



## ԳԵՐԱԳՈՒՅՆ ՀՈԳԵՎՈՐ ԽՈՐՀՐԴԻ ՊԱՏԱՍԽԱՆՉ ԱՏՐՊԱՏԱԿԱՆԻ ՀԱՅՈՑ ԹԵՄԱԿԱՆ ԽՈՐՀՐԴԻ ՆԱՄԱԿԻՆ

ԱՏՐՊԱՏԱԿԱՆԻ ՀԱՅՈՑ ՊԱՏՎԱՐԺԱՆ ԹԵՄԱԿԱՆ ԽՈՐՀՐԴԻՆ,  
Ե՛՛, ԹԵՄԱԿԱՆ ՊԱՏԳԱՄԱՎՈՐԱԿԱՆ ԺՈՂՈՎԻՆ

Թ Ա Վ Ր Ի Ձ

Մեծարգո տիա՛րք.

Ստացանք թեմական խորհրդիդ սույն րվականի հուլիս 24-ի գրությունը ուղղված նորին Ս. Օծություն Վազգեն Ա Սրբազնագույն Կարողիկոսին, ինչպես և Անրիլիասի արքոպակալ Տ. Զարեն Եպիսկոպոս Փայասյանին ուղղված ղիմումնագրի պատեններ: Դրում եմ, թե թեմական պատգամավորական ժողովը իր հուլիս 12-ի նիստում որոշել է «ղաղարեցնել Մայր Արքո Ս. Էջմիածնի հետ ունեցած իր ձևական կապը և թեմը դնել Մեծի Ճանն Կիլիկիո Ս. Արքոի հովանու ներքո»:

Մայր Արքոի համար որքան ծանր էր ու վշտալի Թեհրանի թեմի նույնանման փորձը, իբրև եկեղեցաբան դրագրի իրագործման առաջին քայլ, նույնանման անհիմն ու ցավալի է Ատրպատականի պարագան:

Նորին Վեհափառություն Վազգեն Ա Սրբազնագույն Կարողիկոսի և Ս. Էջմիածնի Գերագույն Հոգևոր Խորհրդի անունից, այսու լիազորված ենք Ձեր համակի առթիվ հայտարարելու ի գիտություն թեմական խորհրդիդ, թեմական պատգամավորական ժողովիդ և Ատրպատականի համայն հայ հավատացյալ ժողովրդին հետևյալը.

1) Միանգամայն անհիմն ու ոչ հշմարիտ է այն հայտարարությունը, թե Ատրպատականի թեմի և Մայր Արքոի միջև սոսկ ձևական կապ է եղել: Վերջին երեք տարում մեր և Ատրպատականի թեմի միջև կապը եղել է սերտ և բնականոն: Այդ մասին կարող է վկայել առաջնորդական փոխանորդ արժանապատիվ Տ. Կարապետ ավագ քահանա Մանուկյանը, որի հետ Մայր Արքոս միշտ էլ պահպանել է կանոնավոր հարաբերություն: Ատրպատականի թեմի և Մայր Արքոի փոխհարաբերությունները ներկայիս գրեթե նույնն են, ինչ որ անցյալ որևէ ժամանակաշրջանում: Եվ նույնքան և նույնպիսի փաստական ապացույցներ կարող ենք բերել այդ ուղղությամբ, ինչպիսի հիմնավորված փաստական ապացույցներ նշեցինք Թեհրանի թեմի պարագային մեր սույն րվականի մայիս 2 րվակիր պաշտոնագրով:

2) Իբրև հիմնական միջոց թեմի եկեղեցական գործերի վեհական բարելավման, Մայր Արքոն բազմիցս առաջարկել է Ատրպատականի թեմական խորհրդին՝ լուծել թեմակալ առաջնորդի հարցը՝ Իրանի կառավարության 1949 րվականի որոշման ոգով, իր կողմից խոստանալով ամեն աջակցություն այդ հարցում, սակայն թեմական խորհուրդը միշտ անտարբեր է մնացել:

3) Մայր Արքոն հակակառնական և չեղյալ է համարում Ատրպատականի թեմական պատգամավորական ժողովի հուլիս 12-ի որոշումը, որը հակառակ

է Ատրպատականի հավատացյալ ժողովրդի և հոգևորականության կամփին ու ձոգևոր-ազգային շահերին:

4) Իրանի հաւրապետական երեք բեմերն էլ, այդ թվում նաև Ատրպատականի բեմը, իր եկեղեցիներով ու հավատացյալ ժողովրդով եղել են, կան և նման Մայր Աթոռ Ս. էջմիածնի հոգևոր իշխանության ներքո և կանոնակարգ-իրավական, մեր ազգային ավանդությունների ու պատմական իրավասու-թյանց տեսակետից ոչ մի մարմին իրավունք չունի Հայաստանյայց եկեղեցի-ներն ու հավատացյալները բաժանելու իրենց դարավոր Մայր Կենտրոն Ս. էջ-միածնից:

Ծնելով այս ամենից և թելադրված Ազգի ու մեր Ս. եկեղեցու շահերի, այսու Վեհափառ Հայրապետի և Գերագույն Հոգևոր Խորհրդի անունից դիմում ենք պատվարժան բեմական խորհրդիդ և Ձեր միջոցով բեմի պատգամավորա-կան ժողովին՝ հետ առնել Մայր Աթոռից բաժանվելու հակաօրինական, ան-բնական և անտեղի որոշումը և շարունակել ավանդական հարաբերությունները, որոնք մինչև այժմ գոյություն են ունեցել Մայր Աթոռի և Ատրպատականի բեմական իշխանությունների ու եկեղեցիների միջև դարեր շարունակ, Իրանա-կան պետության բարյացակամ հովանու ներքև:

Հանեցե՛ք ընդունել Նուրի Վեհափառության հայրապետական օրհնություն-ը և լավադույն բարեմադրությունները Ձեր բոլորիդ փառաոգչության և բե-մական զործոց հաջողության համար:

**ՍԱՀԱԿ ԱՐԲԵՊԻՍԿՈՊՈՍ**

Ատենապետ Գեորգիոս ՆՈՐԻՆՆԻՅԱՆ ԼՈՒԻՍԻՆՈՐ ԽՈՐՀՐԴԻ

Ս. էջմիածին, 1 սեպտեմբերի 1958 թ.

**ԱՄԵՆԱՅՆ ՀԱՅՈՍ ԿԱԹՈՂԻԿՈՍ ՆՈՐԻՆ ՍՈՒՐԲ ՕՏՈՒԹՅՈՒՆ**

**Տ. Տ. ՎԱԶԳԵՆ Ա.**

Է Զ Մ Ի Ա Մ Ի Ն

Վեհափառ Տե՛ր.

Այսու պարտք ենք համարում խոնարհաբար հաղորդելու Ձերդ Վեհափառության, որ բեմիս պատգամավորական ժողովը և բեմական խորհուրդը իրենց սույն թվի հուլիս 12-ի միացյալ լիազուսմար նիստում, հոգևոր դասի գգալի պակասը և այդ լրացնելու ուղղությամբ բեմական խորհրդի Ս. էջմիածնի մի-ջոցով Ս. Երուսաղեմում տարած աշխատանքների ապարդյուն մնալու դու-րյունը ու ստեղծված բացառիկ պայմանները, որով բեմիս եկեղեցիները ան-շֆանում են և ժողովրդի կրոնական ու հոգևոր կարիքները չեն բավարարվում ուստի ելնելով այս կացությունից ժողովը միաձայնությամբ որոշեց դադարեց-նել Ս. էջմիածնի Մայր Աթոռի հետ իր ձևական կապը և բեմը դնել Մեծի Տանն Կիլիկիո Ս. Աթոռի հովանու ներքո, որով ներկա ստեղծված բացառիկ պայ-մաններում հնարավոր կլինի վերակազմել և բարելավել ստեղծված անմխիթա-ր վիճակը:

Ներփակ ուղարկում ենք Ձերդ Վեհափառության Մեծի Տանն Կիլիկիո նո-րին Ս. Օծություն Տ. Տ. Ջառեհ Ա կարողիկոսին ուղղված մեր դիմումնագրի պատհները:

Որդիական խոնարհությամբ մատչիմք ի համբույր Ձերդ Վեհափառության Ս. Աջույն:

Հարգանքներով՝

**ԱՏՐՊԱՏԱԿԱՆԻ ՀԱՅՈՍ ԹԵՄԱԿԱՆ ԽՈՐՀՐԴԻ**

Ատենապետ՝ ՀԱՅԿ ՍՏԵՓԱՆՅԱՆ

Փարտուղար՝ ՎԱՐԳԵՍ ՀՈՎՀԱՆՆԻՅԱՆ

Թավրիզ, 21 հուլիսի 1958 թ. N 268

